

Bringamosa

"HENDE MUHE CU PERSEVERANCIA"



Nos a adapta e ley y sigi e proceso pa pidi Presidente pa pone riba agenda den parlamento. Pero e Presidente di parlamento ta dicidi kiko ta bin riba agenda. Mi a scirbi diferente carta pa un reunion, tin ora e ta yuda, pero e ta un trabao basta dificil. For di aña 1998 esaki a cambia si tres hende pidi pa ruñion dentro di 30 dia e ta bin. E caso tambe ta cu mayoria leynan ta wordo entrega door di gobierno y Ministronan ta defende.

Door cu mi ta para a punto pa bay Hulanda mi a pidi cooperacion pa mi por defende e ley aki prome cu mi retira. Den e caso di ley iniciativa ta e parlamentarionan mester defende e ley. Door cu ora bo sali for di parlamento bo no por defende mas. Y mi mes ta jurista y conoce e tecnicanan di ley pesey mi ta bringando pa logra esaki. Un otro ley ta e ley di "Choller".

Manera nos tur sa nos comunidad tin hopi problema cu adiconan riba caya, cu ta horta y kibra negoshinan y molestia hende riba caya. E idea pa bin cu un ley di curatela a cuminsa tempo un choller femenino a corta un dama, den su cara.

Sr. Ronny Alders, cu ta traha na Biblioteca cu ta biba na Piedra Plat a yama mi y puntra mi kiko parlamento ta hasi encuanto chollernan y cu nan tin hopi problema cu e chollernan den nan bario. Mi a conteste, un cos nos por hasi ta pone chollernan peligroso bao curatela. Mi sa cu Antiyas tin un ley di choller y cu nan Burgelijke Wetboek ta casi igual na esun di Aruba. Dia 16 di april mi a yega di Corsow y mesora mi a bay parlamento y a bay sinta tras di mi computer y apone riba papel. Mi a traha un concepto y mi a adapta e ley na e situacion di Aruba. Dia 17 di april 1997 den un reunion publico cu tabata bay tocante criminalidad mi a entrega e ley aki na Presidente di Parlamento. Su reaccion tabata cu no ta usual pa entrega ley durante un reunion publico. Pero mirando cu criminalidad tabata wordo trata mi a entree. Ministro di Husticia a splica cu gobierno tambe ta bezig cu un concepto di e mesun topico aki, pa nos esaki tabata pa prome biaha cu parlamentarionan a tende esaki pero mi tabata aplaudi esaki, cu gobierno ta pensa den e mesun direccion y cu nos lo logra algo cu

esaki y e ley lo wordo trata. Despues mi a scirbi cinco pa seis carta pa pone riba agenda. Nos a bay di acuerdo cu lo trata e dos leynan aki prome cu mi sali for di parlamento, pasobra nan no ta manera e otro leynan, nan ta leynan di iniciativa. 99% di leynan ta wordo entrega door di Minister ta 1% ta wordo entrega door di parlamentario. Local e ley ta ensera ta ampliacion di e codigo civil Den ley ta poni den articulo 482, bao c, cu despues di e palabranan "gewoonte van drankmisbruik" ta bin aserca danwel gewoonte van misbruik van verdovende of stimulerende middelen. Tambe den articulo 495 ta amplia

"verkwisting of gewoonte van drankgebruik" pa "verkwisting, gewoonte van drankmisbruik danwel gewoonte van misbruik van verdovende of stimulerende middelen." Den parti tres "verbeteringshuis" ta wordo remplasa pa rehabilitatiecentrum. Y tambe cu ta Ministro di Husticia y Ministro di Salubridad Publico ta apunta e centro di rehabilitacion, Gobierno a opta pa e ministro di justicia solamente. Pero mi ta haya cu e ministerio di salubridad publico mester pone atencion na e salud di e adiconan cu ta choller. Comentarionan cu mi a ricibi pero no tin un Centro pa Rehabilitacion?

Pero mester bin un ley prome, un base legal pa por bin cu presupuesto pa bin cu un centro asina. Sin un ley bo no tin base legal. Mi tin diferente deseonan cu cu lo mi kier mira cumpli ainda den parlamento manera e ley di zebrapad, mi a hasi hopi esfuerzo pasobra mi a perde mi mama ariba un zebrapad y mi ta mira e peliger ey pero no ta pesey so mi ta bisa asina pero e peliger ta mas grandi door cu trafico a aumenta y pa e muchanan di school y aki na Aruba nos no conoce e regla di zebrapad cu bo ta obliga di para y duna e peaton preferencia.

Den e temporada cu mi ta den parlamento mi a hasi diferente intento



pa bin cu un ley iniciativa pa esaki, pero e no a logra pasobra tabata tin un cambio di ley.

E landsverordening wegverkeer a bin na vigor y den dje e ta bisa cu cuenta di zebrapad aki ta wordo regla bij landsbesluit houdende algemene maatregel y e landsbesluitnan aki no ta pasa parlamento.

Ta Ministro di husticia su departamento tin cu traha ariba esaki y e leynan aki no ta pasa parlamento. Y mi no por bin cu un ley cu no ta pasa parlamento. Mi ta haye un lastima cu mi no por a traha riba esaki y parlamento no tin e competencia pa traha ariba esaki. Tin sierto ley cu no ta pasa parlamento.

Tin otro topiconan cu mi ta hopi preocupa tambe manera e medio ambiente mi tin diferente ideanan pero mi no a haya e oportunidad ainda pa bin cu nan. Mi ta haya cu nos lama y beachnan mester wordo hopi mas proteha, hopi mas mi ta mira con e ta bayendo atras nos medio ambiente. Un cos cu ta stroba mi masha hopi ta e hecho cu por ehempel na Eagle beach hopi hende ta bin cu nan cacho awa mainta mes mi kier pone mi pañanan y masha serca mes mi diez cm tin sushi di cacho pa mi ta menos mal, ami ta reconece, mas tristo ta pa e muchanan chikito, local mi mes a experiencia cu un cacho ta urina den e santo blanco y hasi su sushi y un rato despues un mama ta bin cu su yiu chikito bin hunga den santo, y e mama no sa cu un cacho tabata ey nan. Y mañan e mucha ta haya un malesa y ningun hende no sa di unda el a bin. Pesey mi ta bisa pa nos muchanan cu ta hunga den santo nos no por permiti pa cachonan ta ariba beach. Si nos kier proteha

nos beachnan nos mester cuminsa pa no mester permiti cacho riba beachnan. Pasobra ta un tiki beach nos tin, nos no por compara cu por ehempel Cuba cu tin por lo menos 10km di beachnan local nos tin ta hopi chikito y nos tin cu cuide.

Mi ta haya cu e ta necesario pa hygienia di nos muchanan pa no laga cachonan riba beach of esnan cu kier cana cu nan cacho pa pone tal beach bo por cana cu cacho pero unda mucha ta hunga den santo nan no por bin".

Nos di Bringamosa a puntra Sra. Van Lis-Donata ta cual funcion e lo bay tin na Arubahuis? Sra. Van Lis-Donata: "Mi lo bai traha como director di Arubahuis y si tur cos bai bon pa Juli lo mi bay Hulanda. Nos di Bringamosa ta desea Sra. Noris Van Lis-Donata hopi exito na Hulanda den su funcion nobo.



Oficina di Hendu Muhe
J. Irausquinplein 5
Oranjestad Tel: 831351